

098

096

102

092

107

087

147

047

es que vna vieja como yo : en oliendo qualquiera vno diga de donde es. Pues otros curas sin renta: no Ca offi escido el bo digo: q̄ndo en besando el feligres la estola: era del primer boleo ē mi casa. Espessos como piedras a tablado: ētrauā mochachos cargados d̄ puisiones por mi puerta: no se como puedo biuir cayendo d̄ tal estado. (Ar.) por dios pues c̄mos venidas a auer plazer: no llozes madre ni te fatigues: que dios remediara todo. (Le.) barto tengo fija q̄ llorar acordādo me de tā alegre tiēpo: ⁊ tal vida como yo tenia: ⁊ quā seruida era de todo el mundo: q̄ jamas ouo fruta nueua de q̄ yo primero no gozasse: que otros supiesen si era nascida: en mi casa se auia de ballar: si para algūa preñada se buscasse. (Se.) madre ningū prouecho trae la memoria del buē tiēpo: si cobrar no se puede: antes tristeza: como a ti agora que nos has sacado el plazer dentre las manos. Alce se la mesa: ⁊ nos hemos a holgar: ⁊ tu daras respuesta a esta donzella q̄ aqui es venida. (Le.) hija lucrecia d̄radas essas razōes q̄rria q̄ me dixesses aque fue agora tu buena venida. (Lu.) por cierto ya se me auia olvidado mi principal demāda ⁊ mēfaje: cō la memoria de esse tā alegre tiēpo como has cōtado: assi me estuuiēra vn año sin comer escuchādo te: ⁊ p̄sando en aquella vida buena: que aquellas moças gozarian: que me parece ⁊ semeja: que esto yo agora enella. Abi venida señoza es lo que tu sabras: pedir te el cenidero: de mas desto te ruega mi señoza sea de ti visitada: ⁊ muy presto: por que se siente muy fatigada de desmayos ⁊ de dolor del coraçon. (Celestina.) hñā destos dolorcillos tales: mas es el ruydo: que las nuezes: marauillada estoy sentir se del coraçon muger tan moça. (Lucrecia.) (assi te arrastrē traydoza: como tu no sabes que es: haze la vieja falsa sus hechizos: ⁊ va se: despues haze se de nueuas.) (Celestina.) q̄ dizes hñā? (Lucrecia.) madre que vamos presto: ⁊ me des el cordō. (Celestina.) vamos que yo lo lleuo.

#### ¶ Argumento del decimo actto.

**M**entra andā celestina ⁊ lucrecia por el camino esta fablādo melibea cōsigo misina. Legada ala puerta. En ra lucrecia p̄mero: haze entrar a celestina. Melibea despues de muchas razo

Ende

Anfang